

SASTANAK SA PREDSTAVNICIMA OPĆINE GRUDE

25.02.2025 21:54



Sastanak predstavnika Federalne geodetske uprave i općine Grude je održan u prostorijama Uprave 25.2.2025. godine. Učestvovali su direktor Uprave, gosp. Željko Obradović i pomoćnika direktora, gosp. Sead Hadžić, te predstavnici općine, pomoćnik načelnika za prostorno uređenje, imovinsko-pravne i katastarske poslove, gosp. Ivan Žulj i šefica odsjeka gđa Antonela Slišković.

Analizirano je trenutno stanje projekata sektora zemljišne administracije na teritoriju općine Grude. U okviru projekta Registracije nekretnina usaglašeni su podaci u dvije katastarske općine (Grude grad i Donji Mamići) a opremljeni su i uređeni uredi općinske službe za katastar. Izvršene su i pripreme za izlaganje podataka premjera te je završeno izlaganje u katastarskoj općini Tihaljina I. Izlaganje podataka premjera i katastarskog klasiranja je strateški interes općine te je dogovoren nastavak ove aktivnosti u okviru novog projekta GIVE.

Izraženo je zadovoljstvo završetkom uspostave adresnog registra i drugih aktivnosti te se očekuje kvalitetna saradnja i još aktivniji pristup u realizaciji uspostave katastra nekretnina za preostali dio teritorija općine Grude.

